

անցյալի կենցաղի մի շարք առանձնահատկություններին, որոնք մասամբ իրենց զուգահեռներն են ունեցել նաև Հին Հայաստանում:

Գրքին կցված է լամբագիր Կ. Մելիք-Սահանյանի առաջարկները:

Տպագրության է հանձնված «XVII—XVIII դարերի Հայ աշուղներ» ընդարձակ ժողովածուն, որը կազմել է բանաս. գիտ. թեկնածու Հ. Սահակյանը:

Աշխատանքը պարունակում է XVII—XVIII դարերի Հայ աշուղների այն բոլոր հայերեն երկերը, որոնք հնարավոր է եղել գտնել մեր գրադարանա-արխիվային և ձեռագրային ֆոնդերում: Ժողովածուի մեջ մտնում են 32 աշուղի երկերը:

Հրատարակվող նյութերից ցայժմ չեն տպագրվել և առաջին անգամ են հրատարակվում 15 բանաստեղծություն: Բացի այդ, նյութերի կեսից ավելին վերցված է ձեռագրային սկզբնաղբյուրներից և համեմատված տպագիր և այլ ձեռագրային օրինակների հետ, այսինքն բոլոր անհրաժեշտ դեպքերում կազմված են համեմատական տեքստեր:

Այն բանաստեղծությունների մեծ մասը, որոնք տպագրված են եղել մինչև սույն ժողովածուն, ցրված են այնպիսի պարբերականներում («Սիրտ», «Շտեմարան», «Լուսն», «Քաղմավեպ» և այլն) և այնպիսի ժողովածուներում, որոնք այսօր հազվագյուտ են ու անմատչելի լայն հասարակայնությանը:

Ժողովածուն ունի ներածություն-ուսումնասիրություն, ուր վերլուծված ու գնահատված են XVII—XVIII դարերի Հայ աշուղների երկերը:

Ինչպես նաև ընդարձակ ծանոթագրություններ, բառարան և ալլու:

Պատրաստ է նաև Մ. Աբեղյանի գրական-քննադատական ու հրապարակախոսական հոդվածների սովորածավալ ժողովածուն Մ. Աբեղյանը ոչ միայն լեզվագետ էր, ֆոլկլորիստ, տաղաչափության մասնագետ ու Հին գրականության պատմաբան, այլև քննադատ ու հրապարակախոս ժողովածուն պարունակում է մեծ հայագետի պարբերականներում ցրված հոդվածներն ու գրախոսականները Հայ ժողովրդական լուսնայնություն, Հայ Հին և նոր գրականության, արևմտաեվրոպական և արևելյան գրականությունների, գրական գաղափարների, պոետիկայի այլևայլ խնդիրների վերաբերյալ:

Սեկտորում պատրաստվում են նաև հատուկ հետազոտություններ ներսես Շնորհալու կյանքի և ստեղծագործության, Հայ-իրանական գրական կապերի մասին:

Սեկտորի աշխատակիցները պարբերաբար մասնակցում են «Տեղեկագրին» և «Պատմա-բանասիրական հանգեսին», գործողվում են Մոսկվա, Լենինգրադ, Բեռլին, Բաքու և այլուր՝ լրացնելու իրենց գիտելիքները կամ աշխատանք կատարելու իրենց թեմաների շուրջը: 1958 թվականի ընթացքում պաշտպանվել է երեք թեկնածուական դիսերտացիա:

Իր 7-ամյա պլանով սեկտորը նպատակ է դրել նոր նյութերի և հետազոտությունների հիման վրա պատրաստելու Հայ Հին և միջնադարյան հրականության ընդարձակ պատմությունը:

Խ. ՍԱՐԳՍՅԱՆ

ՊԱՆԵՈԼԻԹՅԱՆ ԿԱՅԱՆ ՀԱՅԱՍՏԱՆԻ ՀՅՈՒՄԻՍՈՒՄ

Դեռևս 1952 թ. Երկրաբան Ա. Տ. Ասլանյանը նույնաբերականի շրջանում ուսումնասիրությունների ժամանակ պատահաբար գտել էր բարե գործիք, որը հետազոտում հրատարակվեց Ս. Սարգսյանի կողմից¹:

Հայտնաբերված գործիքը գտնվել էր հեռա-սի-բար կոչվող հանգամանում, Բիլիկ (Կալիկ) անունը կրող բլրի վրա, որի բարձրությունը ծովի մակերևույթից հասնում է 730 մետրի:

Գիլիկի ողջ մասսիվը կազմված է վերին կավճային շրջանի կրակավրից և կրաքարերից, որոնց տակ գտնվում են թուրո-սանտոնյան հասակի հրաբխային ռպարներ: Հայտնաբերված իրն իրենից ներկայացնում է կանաչավուն հա-

պիսից (яшма) պատրաստված սրածայր գործիք (остроконечник), 8 սմ երկարությամբ և հիմքում՝ 4,5 սմ լայնությամբ¹:

Գործիքի սչ մասը (սայրը) սուր է, իսկ ձախը բութ:


Պալեոլիթյան գործիքի այս գյուտը մեզ գրեթե նաև դիտել Գիլիկի շուրջը գտնվող բարձրությունները:

Այս տեսակետից մեծ հետաքրքրություն է ներկայացնում Գիլիկից 800 մ հեռավորության վրա գտնվող Ղևասի-բար կոչվող բարձրությունը համանուն բարայրով:


Քարայրը ընտան է և կավճային հասակի ծագում ունի: Նրա երկարությունը կազմում է

¹ С. Сардарян, Палеолит в Армении, Ереван, 1954.

¹ Նույն տեղում, էջ 109—114, տախտակ XXX, նկ. 2a:



Նկ. 1. Ղեհասի-քար քարայրի հատակագիծը



Նկ. 2. Գիլլիկ և Ղեհասի-քար քարձուլքների վրա գտնված պալեոլիթյան քարե գործիքները

մոտ 20—22 մ, իսկ լայնությունը որոշ տեղերում հասնում է 3—5 մետրի (Նկ. 1):

Քարայրի մուտքից 20—30 մետր հեռավորության վրա հաջողվեց գտնել կրաքարից պատրաստված գործիք (Նկ. 2): Գործիքը նշանակալից հատիչ է, ունի 13 սմ երկարություն և 6 սմ լայնություն՝ հիմքում, չատիչի ձախ մասը սուր է, իսկ աջը քիչ բութ:

Ղեհասի-քարի ստորոտում գտնվեց ևս երկու գործիք, մեկը՝ կրաքարից, մյուսը՝ խալցեդոնից:

Առաջին գործիքը ձեռքի ձևով հատիչ է 17 սմ երկարությամբ, հիմքում՝ 7 սմ լայնությամբ:

Խալցեդոնից պատրաստված գործիքը կեսից կտրված սրածայր հատիչ է, հիմքում 3,5 սմ լայնությամբ:

Հայտնաբերված գործիքների այդքան մոտ գտնվելը քարայրին, հնարավորություն է տալիս ասելու, որ Ղեհասի-քար քարայրը պալեոլիթյան կայան է և կարելի է թվագրել ուշ աշելով կամ մուստյենով:

Ղեհասի-քարը պետք է դառնա հետագա ուսումնասիրությունների վայր:

Լ. ԲԱՐՍԵՂՅԱՆ

Ս. Սարգսյանը Ա. Ասլանյանի կողմից գտնված գործիքը թվագրում է մուստյեն ժամանակաշրջանով: